

¡BOMBA!

Que hay justicia mancillada no es conclusión muy sesuda. Ojalá actual magistrada libre a tribunal de duda



K'UINTSIL

Edición de fin de semana, del viernes 19 al domingo 21 de julio de 2024
CAMPECHE · YUCATÁN · QUINTANA ROO · AÑO 10 · NÚMERO 2280 · www.lajornadamaya.mx

OCH KAAAN,

KAAN BÉEYCHAJ U JA'ATSAL BEEY ULÁAK' JUMP'ÉEL JEJELÁASIL

Chan xáanchaj ku tukulta'al u jejeláasil och kaan, jts'a'ab u sientifikoil k'aaba'a, *Boa imperator* jumpáay ti' le jach suuka'an u yila'al *Boa constrictor*. Lelo' béeychaj u beeta'al tumen yanchaj xak'al xook'o'ob k'áat ka ja'atsak u jejeláasil.

México u chí'ibal *Boa imperator*; yaan ku yila'al Sonora tak Chiapas, tu baantail Océano Pacífico, ba'ale' beyxan

Tamaulipas tak Quintana Roo, tu baantail Océano Atlántico; beyxan yaan ku yila'al América Central yéetel tu xamanil América del Sur.

U xo'okol jaytúul ba'alche'ob yéetel u t'u'ulpachta'alo'obe' jump'éel xma' bo'olil meyaj ku beeta'al ichil Plan Ambiental meyajta'an tumen Colegio de la Frontera Sur (Ecosur) Unidad Chetumal. Ichil túun ba'alche'ob ku yila'ale' ti' yaan och kaan imperator, méek'a'an tumen

Boidae baatsil. U tuukulile; leti' u ts'a'abal k'ajóoltbil tu táan kaaj, u na'ata'al u k'a'ananiil ti' le tu'ux ku yantaló' yéetel u kaláanta'al.

Le kaana' leti'e' ofidio maas jach nojoch yaan México. Ku yantal tu'ux k'as chokoj u yooxol, beyxan tu'ux piim su'uk, chakte'ob, jáal ja'ob, ichil uláak'o'ob, tumen ku béeytal u séeb kanik kuxtal tu'ux ku yantal. Leti'e' ku yáantaj, ikil u máan janale', ti'al u ts'áak u piis u yantal

ba'alche'ob; ichil le ku jaantike', ti' yaan juuj, ch'íich', ch'o'ob, ooch, k'ulub. Je'el u k'uchul u p'is ichil 1.5 yéetel 2 metros u chowakil.

Kaane' ku jíich't méek'ik u yo'och tak kéen u kup u yíik' ma'ili' u jaantej. Jach ma' sajb'enetsil ti'al wíiniki', tumen kéen u yu'ub je'el u beeta'al wa ba'ax ti'e', ku náachtal. Ba'ale' wa ku yantal wíinik ka u jach nats'úubaj yiknale' je'el u ts'áakubáaj chí'ibale'.

ESPECIAL: FAUNA NUESTRA | P. 42 YÉETEL 43

J. ROGELIO CEDAÑO VÁZQUEZ YÉETEL
IVÁN A. CASTELLANOS OSORIO
OOCHÉL IVÁN CASTELLANOS